

# Hylli i Dritës

---

---

*Ubi Spiritus Domini, ibi libertas.*

(II. ad Cor. III. 17).

---

1. « Shkenca dhe Feja »	fq! 281
2. Para kujtimit të Herojit Thomson	„ 287
3. Deka e Mujit e e Halilit	„ 295
4. Deka e Halilit	„ 297
5. Të lkundunat sismike	„ 300
6. Per fjalorin Shqip	„ 303
7. Nder Bjeshkë të Kelmendit....	„ 314
8. Urtí e burrní nder banorë të Cemít	„ 320
9. Lajme rrokull Shqypnis	„ 325
10. Lajme rrokull botës	„ 327
11. Quo Vadis...? — Pj. II. — 19	„ 145



---

*Drejtimi man tagrin mî çdo artikull, qi botohet në ket të  
Perkohshme, tue ndalue njiherit edhe çdo rishtypje a perkthim.*

---

## „Shkenca dhe Feja.“

Ky është titulli i librit të një farë Artur M. Lewis, për-kthye shqyp prej Dhimiter Falo, botue në Korçë, po në këtë vjetë.

Me botimin e këtij libri, zoti Falo don t' i bájë një atentat besimit n' opinionin t' onë publik, edhe, me muejtë me i kenë, i a han palla t' a zhdukë Zotin e vertetë prej toke shqyptare një herë e pergjithmonë.

Aj, për të vendue *thezen* e vet, se shkenca është *anti-theza* e Fés, sikurse Feja e shkencës, — pshtetë mbí *hypotezen* e materjes s' amshueme, — parashtron dy lamije të kunderta në jetë: lamën e shkencës e lamën e Fés, edhe, si të luejshin një rrol dermues kta dy faktorë në jetën nierzore, — jo ndryshe por si luhet *schah* për të dhanë *mat*, a por si bâhet nder gara të *foot-ballit* për të fitue kampionatin — zoti Falo, tue u mbajtë në lamën e shkencës — po dihet — shterngon shqelmin edhe matet të bájë një *goal* ateizmit në portën e shpirtit të besimtarvet shqyptarë.

Mirë, por këtë herë, zoti Falo, nuk fitoi gjá, desht të bájë *goal* e bâni *faul* 1), e po desht t'a vijoje këtë lojë, sigure se do të bájë edhe *faliment*. Ndoshta, materjalisht, nuk á dá pá gjá, e ká muejtë, kushdi, me shtí ndo'j parë në xhep, — prej botimit të librit; por ditunisht e moralisht ká bjerrë, pse atje kú leu e per-kundet shkenca moderne e kú besimi është i themeluem edhe ditunisht, n' Europen e qytetnueme, po thomi, e jo në Shqypnín t' onë, foshnje për kso punësh, po nder kto dit, del një vigá shkence e një heri fatos besimi, edhe me një deklaratë

---

1) Në lojën e topit me bá *faul* don me thënë me bá gabim, me prekë kú e si s' duhet.

